
Халқ депутатлари Данғара туман Кенгашининг навбатдаги 75-сессияси бўлиб ўтди.

Сессия ишида туман Кенгаши депутатлари, сектор раҳбарлари, туман ҳокимининг тегишли ўринбосарлари, кун тартибига киритилган масалага алоқадор ташкилотлар раҳбарлари ҳамда оммавий ахборот воситалари вакиллари иштирок этишди.

Сессияни халқ депутатлари туман Кенгашининг раиси Ш.Тожиҳакимов очди ва олиб борди.

Сессия бошида Маҳаллаларда тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман ҳокимининг ёрдамчилари фаолияти самараси юзасидан Данғара тумани Халқ қабулхонаси мудир **Мамаджанов Баҳромжон Ахмедович**нинг ахбороти эшитилди.

Туманда хизматлар соҳасини ривожлантириш бўйича олиб борилаётган ишлар тўғрисида туман ҳокимининг биринчи ўринбосари **Акрамов Равшан Толипович** маълумот бериб ўтди.

Ўзбекистон Республикаси Президентининг 2022-йил 25-октябрдаги “2022-2023-йилларда маҳаллалар инфратузилмасини яхшилаш бўйича қўшимча чора-тадбирлар тўғрисида”ги ПҚ-408-сонли қарорини Данғара туманидаги ижроси тўғрисида туман ҳокимининг ўринбосари **Салимов Тохиржон Сотволдиевич** ахборот бериб ўтди.

Ўзбекистон Республикаси Марказий сайлов комиссиясининг 2023-йил 16-мартдаги “Ўзбекистон Республикаси Конституцияси тўғрисида”ги Ўзбекистон Республикаси Конституциявий қонуни лойиҳаси бўйича “Ўзбекистон Республикаси референдумига тайёргарлик кўриш ва уни ўтказиш календар режасини тасдиқлаш ҳақида”ги 1209-сонли қарори тўғрисида туман ҳокимининг жамоатчилик билан ишлаш бўйича маслаҳатчиси **Умаров Носиржон Худойқулович** маълумот бериб ўтди.

Сессиядаги барча масалалар депутатлар томонидан муҳокама этилгач, тегишли қарорлар қабул қилинди.





